

Inatsisartut aalajangiiffigisassaattut siunnersuutigineqarpoq Naalakkersuisut peqquneqassasut KNI A/S'p ikummatissanik pilersuisuata Polaroil-ip, KNI A/S-imit avissaartillugu ingerlatseqatigiiffittut 1. januar 2015-imit namminersortunngortinneqarnissaanut piareersaataasumik suliaqarnissamut.

(Inatsisartuni ilaasortat, Knud Kristiansen aamma Gerhardt Petersen)

Akissuteqaat

(Naalakkersuisut Siulittaasuat aamma Nunanut Allanut tunngasutigut Naalakkersuisoq)

Aappassaaneernejarnera

Siunnersuut Inatsisartut Inuussutissarsiornermut Ataatsimiititaliaani suliarineqarpoq. Ataatsimiititaliap isumaliutissiissutaani ilaatigut takuneqarsinnaavoq, ”... Polaroil-ip KNI A/S-imit avissaartinneqarnissaanik isummertoqartinnagu immikkuualuttut ajornartorsiutaasinnaasullu assigiinngitsut erseqqissaavigineqassasut, minnerunngitsumik tassunga ilanngullugu immikkoortortat taakku marluk siunissami aningaasaqarnikkut qanoq inissisimanissaat aamma innuttaasut qularnaatsumik pilersorneqarnissaannut siunissamilu akigititassanut sunniutaasinnaasut.”

Ataatsimiititaliap nammineq eqqarsaasersuutini tunngavigalugit Naalakkersuisut allannguutissatut siunnersuutaat aallaavigalugu makku allannguutissattut siunnersuutigivai:

”Naalakkersuisut peqquneqassasut oqartussaasut suliamut attuumassuteqanngitsut suleqatigalugit KNI A/S-ip ataatsimut misissuiffigeqqissaassagaat UPA2015-imi Inatsisartunut saqqummiussassamik. Misissueqqissaarineq KNI A/S-ip siunissami piginnittoqarnikkut periusis-siassamut siunnersuummik imaqassaaq, tassunga ilanngullugu immikkoortorta qarfiit taakku marluk avissaartinneqarneranni iluaqutissat ajoqutissallu saqqummiunneqassallutik.”

Ataatsimiititaliap isumaqatigiittup tamanna tunngavigalugu inassutigaa ataatsimiititaliap allannguutissatut siunnersuuta Inatsisartunit akuerineqassasoq.

Naalakkersuisut ataatsimiititaliap isumaliutissiissutai tusaatissatut tiguaat, misissueqqissaarnerullu suliarinerata ingerlateqqinneqarnissaanut ilanngunniarlugit.

Taamatut oqaaseqarlunga siunnersuut Inatsisartunut suliaannngortippara.